

DISSERTATIO MEDICA
INAUGURALIS,
De affectione hysterica:
QUAM
ANNUENTE DEO TER OPT. MAX.

Ex auctoritate Reverendi admodum Viri,

D. GULIELMI WISHART, S. T. D.

Academiae EDINBURGENÆ Præfeti;

NEC NON,

*Amplissimi SENATUS ACADEMICI consensu, & nobilissimæ
FACULTATIS MEDICÆ Decreto;*

PRO GRADU DOCTORATUS,

Summisque in MEDICINA honoribus ac privilegiis ritè &
legitimè consequendis,

Eruditorum examini submittit,

THOMAS JARVIS, *Indo-Antiguanus,*

Ad Diem 5. Julii, horâ loquæ solitis.





Digitized by the Internet Archive
in 2019 with funding from
Wellcome Library

<https://archive.org/details/b30781243>

**
**
**
**
**

Inclyto & excellentissimo VIRO,

GULIELMO MATTHEWS,

**Copiarum Britànnicarum in insulis Carib-
bæis Ductori ; supremoque earundem
insularum Præfecto :**

*Tum propter egregiam, quam apud omnes meritis
suis consecutus est nominis famam ; tum ob insignem,
quâ me meosque complexus est, benevolentiam ;*

Hæc studiorum suorum primitias,

Grato lubentique animo,

D. D. D.

THO. JARVIS.



Differtatio Medica,

De affectione hysterica.

HISTORIAS morborum dum Medici eleganter & nitidè orbi literato exhibere voluerunt, certas eorum conditiones, & ægrorum diatheses, quæ forsan elegantia sermonis, vel eorum praxi, incongruæ viderentur, penitus omiserunt. Haud sufficit, autumant, naturæ phænomena distinctè, ordinatim, & sedulò colligere; verùm eorum causas etiam expedire tentant: qui tamen ferè omnes, ex ignorantia physiologiæ corporis humani, vel amore jam stabilitæ hypotheseos capti, turpiter in errores inciderunt. Hinc tot volumina ingentia, balneorum focis perdigna, restant ad Medicinæ discipulos fallendos, nisi ii à peritis docti, vera bona à falsis dignoscere valeant. Videamus

A

mus

mus itaque quantum inter se discrepent auctores, de stabilien-
dis morborum causis. Et quoniam consilium est, paululum de
affectionibus hysterice differere, haud ineptum erit inquirere,
quibus diversis causis harum exordium attribuerint auctores.
Antiquorum omnes originem mali in utero malè affecto ex-
quisiverunt, verùm omnes, de affectionum ratione, longè la-
tèque dissentiant.

Hippocratis (a) sententia est, “ Uterum inanitem & resic-
“ catum ex appetitu humidi, sursum, hepar versùs, intra ab-
“ domen se trudere.” Galenus penitus oppositam hujus
morbi causam tradit: vult ille uterum à plenitudine liquorum,
vel vaporum, sursum intendi, quoniam ascensus globi in ventre
inferiore semper mali comes est. Hisce præclaris viris, me-
dicinæ Patribus, consensere artis cultores omnes, ad ultimum
elapsum seculum, quo tempore Medici, antiquorum auctorita-
tes intueri & examinare ausi sunt. Tunc temporis existit
clarissimus Piso, qui, dissentiendo à veteribus, aliam conatus est
instruere hypothesin. Is strenuè asserit, colluviem serosam in ce-
rebrî vasis hospitantem, originem huic malo præbere. Cla-
rissimus Willisius (b), effectus mali produci vult, “ Ab ata-
“ xia in fluido nervoso, ab acri quodam, unà cum ipso li-
“ quore, nervos ingrediente, & ad partes certas determina-
“ tasque provecto, inimicum inferente bellum. Postquam, in-
“ quit, sanguis particulas quasdam spasmodicas intra cerebrum
“ & cerebellum deposuit, hæc materies circa nervorum origi-
“ nes collecta, scotomiam, vertiginem, epilepsiam, & plures
“ animalium functionum morbos inducit. Sin verò, acre il-
“ lud, seu spasmodica materies in vasa medullæ oblongatæ de-
“ labitur, tum convulsiones pessimæ, pro ratione acris mate-
“ riei, exinde sequuntur. Aliter habetur mali causa ab Hig-
moro tradita. Ipsa auctoris verba audiamus, “ Causam itaque
“ continentem hujus strangulationis, infarctionem sanguinis
“ flatulenti,

(a) Morb. Mulier. lib. 1. Sect. V. p. 592.

(b) Willis. p. 474.

“ flatulenti, & ferofi ebullientis in vafibus pulmonum & cor-
 “ dis, effe ftatuimus. Atque hoc non folùm testantur Medico-
 “ rum obfervationes, fed, mali hiftoriâ examinatâ, nullam a-
 “ liam admittere queat hystERICA hæc fuffocatio.” Plurima
 damna continet hæc hypothefis, & erga ægrarum fanitatem,
 & Medicorum famam; quis enim in fuffocatione pulmo-
 num ad venæ fectionem immediatè non fe conferret? & iis
 utatur, quæcunque fanguinis & humorum fluxum ad pulmo-
 num vafa impediunt, & humoribus, jam ftagnaturis, liberum
 expediunt iter; qualia funt femicupia, fofus tepidi, ad extrema
 cucurbitulæ, ingeftio attenuantium, expectorantium, &c.

Highmorus ipfe venæ fectionem celebrandam propofuit: at
 ob hanc rem meritò objurgatur à Willifio, qui affirmat fe plu-
 rimos vidiffe, laborantes fuffocatione pulmonum, quorum ne-
 mo unquam hypocondriacus factus fit. Ille iterum de Highmo-
 ri praxi conqueritur, quoniam plures vidiffet foeminas hy-
 ftericas præfectâ venâ in deterius ruere. Concludimus ita-
 que aliam effe morbi caufam expediendam. Sed Sylvius, ftre-
 nuus fectionis chemicæ patronus, aliam morbi explicationem,
 v. g. ab effervefcentia bilis cum fucco pancreatico, fuggerit.
 At olim refutatâ opinione de acri in fanguine fpafmodico, æ-
 què ac eâ de fermentativis liquoribus, inania fugiamus, &
 morbum jam memoratum, viz. hystericas affectiones, varia ex-
 hibentes phænomena, quâ diligentia poffumus, ad depingendas
 nosmet accingamus. Sed ut dilucidius appareat morbi caufa,
 phænomena quæcunque feperatim, utpote functiones varias
 læfas indicantia, confideranda funt: hoc modo progrediendum
 à functionibus naturalibus ad vitales, denique ad animales labe
 correptas. His excuffis, caufas *προνυμμένας* & *προκαταρτινάς*
 narrare licebit: tum Theoriam morbi, fymptomatibus & ægra-
 rum diathefi confentaneam, ordine ftabilire procedemus; deni-
 que cum methodo medendi finiemus.—

Symptomata fecundum ordinem modò traditum, exhibere li-
 ceat. Inprimis medici, morbum jam præfentem, vel immi-
 nentem

nentem à caterva sequentium dignoscere queunt, viz. ab actionibus naturalibus læsis, si adsint lassitudines spontaneæ, & sensus gravitatis ad exercitia; pica, malacia, nausea, vomitiones materie viridis, ructus, borborygmi, inflatio ventriculi, & intestinorum; oscitatio & pandiculatio; ascensus globi ab inferiore abdominis; ptyalismus laticis tenuis; pallor lividitasque cutis, præcipuè faciei; dolor profundus capitis, atque dolor ille externus memoratu dignus, quem perterebrationis instar habere, vel obicis vi maximâ in caput adacti, quasi findendum esset, miserræ credunt: interdum de ligaturis conqueruntur, molem capitis coarctantibus, dolores simulantibus, quales à fasciis & ligaminibus vi maximâ astrictis; dolores vagi per artus; cruciatus ille dorsalis, primò se ad scrobiculum cordis manifestans, subitò, mutato situ, musculos oppositos, furore fere inflammatorio, lancinans; tendinum subsultus; reptationis animalium sensus sub integumentis; urina colorata, fluens subitò præ violentis animi παθήμασι vel læsis vel moestis, in limpidissimam aquam conversa, quæ, quamprimum mens placidâ æqualitate gaudet, pristinum colorem recuperat; extremorum frigus; odontalgia sævissima.— 2do, A functionibus vitalibus malè affectis, pulsus parvus & exilis; respiratio crebra & difficilis; palpitatio cordis creberrima, denique ascensus globi per gulam.— 3tio, A læsis animæ functionibus, tristitia, luctus, spirituum subsidentia, animi incertitudo, cogitationum fluctuatio, memoriæ lapsus, phantasia perturbata, rerum quarumcumque extrà formido, amicorum suspicio ne in se injurias faciant: denique, quod agmen symptomatum hujus crudelis Proteiformisque morbi claudat, addendum restat spectaculum illud humano generi foedissimum & percrudele, scil. subitanei immoderatique cachinni, in luctus fletusque profusos statim conversi, ita miseras vicissim torquendo, donec apoplexia vel epilepsia superveniens paroxysmum terminat, sæpe, mors infida in agmine latet. Sæpe verò ab orci faucibus ereptæ (ni recrudescat paroxysmus horrendus) ad vitam damnatæ, quam morbosam & habitudine obsessam ducere coguntur.

Horum

Horum explicationem sine mora expedire conemur. I. Lassitudine spontaneâ, & sensu gravedinis ad exercitia, afficiuntur foeminæ, quando humores, quæcunque sit causa, pigri ac torpidi facti, canales tardè percurrentes, officiorum obliti, menti sensum illum ingratum communicant: illos quamprimum movere vult mens, motum cordi impertit; acceleratur exinde velocitas humorum circulantium; quare cerebrum, plus justo compressum, sensorio communi hanc gravedinis ideam exhibet.

II. Picam, malaciam, nauseas & vomitiones consideremus. Una ex hisce semper hystericis, per totum mali decursum, comes cæteris adest. Facile exploranti patet, quòd viscus talia exponens phænomena malè se habeat, viz. ventriculus, officina totius corporis, vel humores pravos hospitans, vel adeò debilitatus, ut ex ingestis chylum nutritivum elicere nequeat. Hinc picæ fons, ab acido in ventriculo latitante, appetentis cibi varii, & eduliorum vilium, haud nutrientium; frequenter enim picâ laborantes fructus immaturos, cineres, cretam, arenam, & cætera id genus, maxima cum suavitate & delectamento devorant. Verùm malacia, nausea & vomitio penitus eidem referenda causæ, scil. humoribus crassis, pituitosisque in ventriculo commorantibus. Natura, per varias hæc vias, salutis consulens, corpus fastidioso onere purgare instituit, viz. cibum respuendo, ne moles massæ heterogeneæ in ventriculo commorante crescat; dein nisum ad vomitionem solùm inferendo, ut modos justos pro ægræ salute recuperanda, investiget: denique, propter humorum quantitatem, motus turbulentos faciendo, natura liquores tumultuosos è sinu rejiciendos dijudicat.

III. Ructibus, borborygmis & flatibus concedunt prostratæ vires ventriculi & intestinorum; vicina inde damnum capiunt, quòd ingesta, tam animalia quàm vegetabilia, plurimum aëris inter se continentia, devictâ jam naturâ, in bonum alimentum converti nequeant; calore tamen stomachi & proximorum fottu, putredinem seu corruptionem generare incipiunt: aër quoque calore expansilis, ruptis repagulis, in molem immensam, pro caloris gradu & laxitate partium coërcentium, crescit &

B

expan-

expanditur. Hinc inflationes ventriculi & intestinorum. Occluso stomacho, aër expansilis, magno cum fremitu, referare portas certat: neque inaniter; rumpit enim per os superius, volitantia acida secum rapiens, aut nidorosas partes aëri conjunctas. Quum verò talis est intestinorum inflatio, vasa sanguifera, tunicas perreptantia, comprimens; sistitur ejus motus progressivus, & ibi accumulari, vel vasa serosa intrare oportet: si in vasis majoribus stagnet, vel globuli rubri vasa serosa ingrediantur, inflammatio inde oritur; hinc tam frequens ilei causa.

IV. Pallor lividitasque cutis digestionem pravam & depauperatum sanguinem comitantur: absentiae sanguinis rubri succedit cutis albedo.

V. Oscitationem & pandiculationem intendit natura sagax, ad humoribus torpidè & lentè fluentibus stimulum & motum celeriores conciliandum: tum temporis ferè omnes in corpore musculos contrahit, ut ab illorum actibus in vasa humores ferentibus ultimos circulationis terminos faciliùs attingant.

VI. De ascensu globi frequens est mulierum querela, sed quot ægræ, tot ejus varii ortus, nunc ad dextram, nunc ad lævam; mox superiùs, dein inferiùs, ne plura dicam, fingunt illius ortum ad omnia quasi abdominis puncta; & mirandum, quòd veteres, sagacitate præstantes, motum ascendenti utero attribuerint: causam ferè eandem, quam modò de ileo memoravimus, viz. spasmodicam contractionem intestinorum, agnoscit, dum aër inter intestinorum plicas compressus, elasticitate suâ renititur, & mentem specie rotundi fallit.

VII. Ptyalismus laticis tenuioris, haud sanè à salivatione mercuriali differt, nisi à causis procatarticis; in utrisque his morbis dissolvitur sanguinis crasis, excretiones aliæ naturales minuuntur, solida denique relaxantur, & quoniam glandulæ salivales minùs à corde distant, & major humorum copia sursum, cæteris partibus, quàm ad alias corporis partes fertur, addi liceat arterias debilitatas humores plenos per totum vasorum circulum ferre non posse; quare ad vasa lateralia secedere cogentur. Si salivatio

tio sistatur, Odontalgia, vel secretiones ad renes copiosæ superveniunt.

VIII. Dolor profundus capitis exordium quærit à colluvie serosa hostiliter cerebrum infestante: ac dolor perterebrationis instar, cum viridis vomitione materiei junctus, clavus hystericus nominatus, sympatheticus est evomenti ventriculo, vel à spasmis vasorum minimorum, scil. & arteriarum & nervorum, duræ matris & pericranii. Sævit frequens dira cephalalgia absque vomendi conatu: quæ fit ab obstructione arteriarum intra cerebri molem & nervorum plicas involutarum. Hinc comprimitur fluxus nervosi fluidi, tum regurgitat & sensorio astricti-
onis ideam offert. Interdum ab acri vel phlegmate in ventriculo latitante oritur.

IX. Aures enim resolutæ tinnitus percipiunt, tuba Eustachiana in oris cavitatem hians, laxior reddita faciliùs introitum aëri externo, & pulmones linquenti, cedit; hinc major & constans aëris accessus per auris latebras in tympanam mollem & laxatam: sed vires molli auri defunt expansum aërem ex cavis pellere, fremet ergo cum murmure vasto, instar magni maris, dum littora verberat undis.

X. Phænomena sævi rheumatismi induens, dolores vagos ad artus & ad lumbos parit; qui sæpiùs Medicorum aciem, nisi plura adfunt signa, uni seu alteri propria, fallunt. Hinc tot damna miseris hystericis, fallente signo, superveniunt: medicastri enim pro axiomatico habent, ubicunque sit dolor quivis acutus, ibi semper inflammationem sævire: itaque pro aris & focus certant inflammationem fictam solvere, quem in finem venas pertundunt, sanguinem copiosum sinunt ad remissionem dolorum fluere; tunc credunt, remisso dolore, morbum debellari. Inanis est agyrtarum spes; ægrotæ enim nunquam sic convalescent statim in lipothymias, convulsiones, vel mortem ipsam celerrimo currere pede properant. Dolores illi haud ad inflammationem, verum potiùs ad spiraculorum cutis constrictionem, & ad spasmos nervorum hæc loca petentium, pertinent: ideoque patet quàm contra bonam praxin offendat, qui, quando æquabilis humorum distributio ad sanitatem recuperan-
dam

dam requiritur, tum temporis venam secando sanguini copioso exitum sollicitat.

XI. Tendinum subsultus & animalium reptantium sensus sub integumentis ab una eademque causa, viz. lento & inæquali fluxu fluidi nervosi in fibrarum vasa minima, explorandi sunt. Dum fibra una vel altera fluidum subtile accipit, contrahitur statim; at antagonista paralyfin patitur. Quando verò vasa ea minima fluidis ferè orbata jamjam humores erraticos acceptura, vires haud nisi per violentas contractiones absque impedimento altiùs propellere valent: præterea à nimia subitanea vasorum distentione convellentur latera, humorque fluens sistitur; mox resolvuntur latera, humores fluunt, donec iterum impediuntur, & mutua est vasorum contractio & humorum impedimentum usque ad canalis terminum. Ad hæc, in imperio suo transacta, Natura sedulò mentem suam intendit, sed perceptione, animalium motibus persimili, decepta, facilè sibi persuadet animalia intra cutem reptare.

XII. Urina crassa colorata fluens noctu oculi, tenuissimæ instar lymphæ, ab ægris defluit: hoc signum unicum pathognomonicum hujus mali habetur, sed commune ei cum epilepsia & pluribus aliis. Mens sana in sano corpore, dum irascitur, vel timet, organa corporea rite gubernare nequit; verùm in hysterico corpore, fragili & caduco, cum mente imbecilla & fluctuante, mirandum non est, tam fragilem truncum rudioribus animæ motibus succumbere; & humores malè per canales fluere, & spasmos hinc inde generare. Si verò spasmus arteriolas uriniferas occupet, urinæ tenuissimæ pars percolatur, fæces crassiores residuæ intra vasa manent. Quamprimum spasmus seu motus fluidorum menti inobediens sistitur, vel denique vasa inanita replentur, arteriæ solitas assumentes diametros urinam salubrem inde demittere incipiunt; quamdiu mens æqua manet, tamdiu urina colorata fluit; vesica quoque spasmodica fit, & calculi illic siti doloris speciem præ se fert. Nonnunquam ureteres astringuntur, & calculum seu arenam ex pelvi cadentem exquirunt inexperti medicastri.

XIII. De

XIII. De extremorum refrigeratione frequenter conqueruntur hystricæ: & sanè adeò illæ frigescent, ut sæpiùs, credo, in terram vivæ defossæ sint, quæ vitam debitam non persolvêre, corporibus plus mortuorum quàm vivorum formam ferentibus. Narrant enim autores, vidissè se fœminas, 3, 4, ad 7, usque diem prostratas, absque ullo adstantis vitæ signo jacentes; sed hoc rariùs, & pro monito habeatur, quòd corpora hystrica non eo tempore, quo febrem forsan acutam perpessâ, tumulto dari debeant: quanquam enim hoc symptoma indicat corporis imbecillitatem, & ferè stagnationem universam, attamen nimis præceps foret conclusio, mortem adesse. Quid memoremus hirundines? quid glires? & cætera animalia dormientia.

XIV. Odontalgia sævissima angoribus suis crebrò miserandas hystricas vexat; dentem hunc, nunc illum, mox totam maxillam, figit; nunc periodica, nunc constans, nunc vagos dolores ciet: causa ejus in colluvie serosa, oris cavitatem nimis replente, seu motu convulsivo & arteriarum & nervorum dentibus suppeditantium, seu languescente humoris nervosi motu; nam memorabile dictu, evulsionem dentis dolores haud sedare: sed contrà, dentem ei proximum infestant, & violento furore sternit animi pacem, cum stimulantia & quæ sanguini inæqualiter distributo motum æquabilem conciliant, dolores solvunt.

A functionibus vitalibus malè affectis, & primò, pulsu parvo & exili. En circulum mirum in humano corpore! Qualis instituendus est fons motuum? an cor, quod vitalem cruorem continuè, in viscera & alias partes nutriendas, mittit? an ventriculus, & instrumenta chyli factionis potiùs, quæ alimentum ipsi sanguini suppeditant? vel denique liquidum nervosum, à sanguine secretum, actionem tribuendo ambobus præcedentibus? Sanè difficile problema, & creatoris perspicuitate indiget nodum solvere. Verùm tria unione strictâ conjuncta læsionem singularem capere non possunt; dum verò ventriculus labefactatus cruditates & indigesta vice alimenti boni parit, sanguis ex talibus confectus, functionibus sibi propriis

C

im-

impar est; hinc tam frequens vacillatio pulsuum, & quum defraudetur refectione novâ, depauperatus sanguis indies labascit. Præterea hîc memorare liceat, humorum mobilitatem, & aptitudinem in majus distendi; hinc, ob varios caloris & frigoris gradus, mentisque concitatiores vel tardiores motus, humores mirè afficiuntur; dum enim datur illis hilaritate frui, pulsus plenus, æqualis rhythmum servat, venæ distenduntur, & cætera sanæ instar; ingravescente paroxysmo, dum, mente alienâ corpori, omnia in ruinam tendunt, venæ detumescunt, humores contrahuntur, pulsus parvus, inæqualis frequenter intermittit.

Respiratione crebrâ & difficili immaniter plectuntur miseræ, ita ut sæpiùs, ab imo pectore, voluerint dissecta fororum fila. Videmus in hoc malo sub debilitate totius ferè compagis, & torpore totiùs massæ humorum, laborare. Vix itaque expectandum quin pulmones labe universali afficiantur, scilicet humores tardè arteriolas perreptantes suffocationis metum inducunt, quamobrem naturæ obediens, quòd magis liberum & expeditum iter humoribus concedatur, inspirationem, corpore erecto & cervice extensâ, ducunt. Porro frequens est spasmodica laryngis musculorum, ipsius trachæ arteriæ, denique bronchiorum contractio, iter per canales impediens.

Jam de celebri mali phænomeno agendum, palpitatione cordis; & in limine notemus, vires ægrotarum, dum de hoc conqueruntur, admodum lapsas esse, ut vix per horas duas continuas liberæ quiescant, sæpiùs in lipothymias incidunt, sudorque gelidus superveniens paroxysmum solvit; humores quoque hysterici, quòd magis mobiles & expansiles sint, motu quocunque mentis sive corporis turbati, effrenati, quo cedunt vasa, percurrunt; sed ob motum fluxûs nervosi inæqualem parcumque, & ob mentem corpore alienatam, contrahentur & vasa externa, & ea longiùs à cerebro, cordeque sita; quâ ratione inanientur hæc, dum illâ quantitate peccabunt; refluet enim sanguis per tubulos omnes, donec suffunduntur cor & pulmones. Initio verò palpitabit cor, i. e. sæpiùs solito systolen & diastolen patietur, ut prætrudantur humores iniqui,

ne penitus suffocetur, & cætera corporis organa nutrimento fraudentur debito: tum quoque accedit anxietas.

A læsis animæ functionibus cætera sequuntur phænomena; qualia, tristitia, luctus, spirituum subsidencia, animi incertitudo, cogitationum fluctuatio, memoriæ lapsus, phantasia perturbata, rerum quarumcunque extrà formido, amicorum suspicio, ne sibi injurias inferant; denique subitanæ fletus & gaudii vicissitudines, in diram apoplexiam, & epilepsiam desinentes. Animæ perturbatæ causas immediatas mortalium perquisitionibus attingere non datur, & nefas inquisitiones nostras, altiùs quàm ad effectus pervehere. De abolitione sensuum omnes ferè in una eademque sententia versari videntur autores; attribuunt enim sensus læsionem cerebro compresso, vel 1. A sanguine, aut liquore alio in arteriis, sinubus, intra duram & piam matrem, intra piam & cerebrum, & intra duram & cranium, vel intra venas jugulares, coërcito. 2. A cranio depresso, cerebri substantiam & molem minuente. 3. A quantitate pituitæ, vel lentore humorum, cerebri vasa refarciendo. 4. Ab acri quocunque, cerebrum & cerebellum, vel eorum vasa, vellicando & pungendo. A jam memoratis causis, in cerebrum, varios compressionis gradus inducentibus, & diversas partes inde comprimentibus, sequi volunt autores omnia hujus organi damna; scil. in apoplexia sistitur omnis, præter vitalem, motus, & sensorium commune deletur. Verùm, dum par vagum fluxu vitali reficitur, cor & pulmones ab officiis non descirent; sed ob impeditum motum in nervis extrema quærentibus, forsan copiosior in cerebello fecernitur liquor, tum cor & pulmones fortiùs & crebriùs munere fungentur.

Si causas apoplexiæ nemo respuat, facilius est rationem reddere, cur frequenter hystericis supervenit epilepsia. Clarè constat, epilepsiam acquisitam paroxysmis hystericis non esse valde dissimilem; atque ab una eademque causa ambos gigni posse. Carolus Piso nobis plures observationes mulierum, & hystericarum, & epilepticarum, eidem causæ succumbentium, tradidit, scil. coluviei serosæ cerebri vasa infarciendi ad nervorum contractionem,

nem sensibus naturalibus opitulantium, seu refectionem novam organis motoriis afferentium: & clarâ luce patet, ex aliorum observationibus, foeminas hystericas, morte correptas, exhibuisse, capitibus dissectis, cerebra multâ aquâ referta. Hinc colligere licebit, in paroxysmo hysterico, epilepsiæ æmulo, origines nervorum voluntatis officio inservientium, adeò præ debilitate labefactatas, ut motum æqualem fluxui nervoso conciliare nequeant. Porrò si vires cordi deficient, ad humores per minima vasa propellendos, ii stagnabunt, & apoplexia mortifera præsto aderit.

Excussis jam morbi symptomatibus, proximum est ut causas, quæ hunc morbum generant, exponamus. Sed ordo referre jubet, quæ mulieres huic affectioni hystericae magis obnoxiae sint, & à quibus fontibus oriri soleat malum. Imprimis eæ tenerâ & laxâ cute gaudentes, forsitan hæreditariâ labe vitiatæ; quæ, vitæ pigrae, otiosæ, attamen crapulae & sorbitionibus theæ, coffeæque, (siccis Asiaticis aptioribus) plus nimium indulgentes: & gravioribus detritæ curis acies cerebri corporisque vigorem obtundunt, nam, in his, mente voluptatibus deditâ, corporis refeccio negligitur. Earum evacuationes solennes plus justo fluunt, aut obstipantur, scil. à retentione feminis, dum puellæ, præ sæva peccatorum castigatione, salubres viro- rum amplexus fugientes, in domos religiosas sese occludunt; à retentione sanguinis periodici, vel immodico ejus fluxu, à fluore albo, lochiorum & hæmorrhoidum fluxu ingenti; hæmorrhagiâve quâcunque vires pessundante; ab evacuationibus nimis per alvum, sudores, &c. à cachexia assumptionem mercurii frequenter sequente: nonnunquam à mala febris judicatione.

Observata pauca de affectionibus hystericis sequuntur, viz.

1. Sanguis è vena missus, frequenter serosus, vapidus, placenta rarâ præditus, sanguine sano magis mobilis, adeoque magis expansibilis.
2. Fibrae hystericarum laxiores atque debiliores, quam bonâ
fani-

sanitate fruentium; proinde ventriculus, unà cum intestinis, officia sua non lætè præstabunt.

3. Si viscera chylopoietica vitiata, ingesta in bonum nutrimentum concoquere nequeunt, chylus erit morbidus, & dotes vegetabiles in sanguinem feret.

4. Si chylus sanguini commiscendus, crudus & indigestus sit, depauperabitur sanguis, secretiones justas atque debitas nullas pariet: hinc pravi humores, hinc solidorum tonus labefactatus.

5. Quoniam sanguinis boni rubrique præparatio est ultimus actionum naturalium effectus, talis quippe thesaurus est omnium quotquot in corpore humorum: eo jam depravato, aut in laticem serosum vapidumque converso, turbari imminuique debet spirituum, sive animalium, sive vitalium, in cerebro aut cerebello secretio: unde necessariò sequetur functionum, quæ ab his pendent, læsio multiplex; sed ob parciolem secretionem, quàm quæ ad sanitatem requiritur, inanientur vasa: tum, uti Hippocrates dicit, sequuntur convulsio, singultus, atque forsan plures id genus morbi.

6. Si verò corpus incrementum & nutrimentum in vasculis minimis capiat, sed secretiones naturales debitæ ad ea replenda & nutrienda defint; fatiscunt vires, collabentur latera, & mutuò inter se coalescent: hinc atrophia & paralyfis.

7. Omnibus quibuscunque patet actio mentis in corporis organa, ad motus incitandos & eos inceptos sistendos; adeoque quanta vis ei sit morbos producendi, luculenter & praxi quotidianâ & antiquorum observationibus manifestatur. Verum constat mentem plus valere in corpore effœto, à morbo aliquo chronico, uti chlorosi, paralyfi, &c. quàm in vegeto & robusto corpore. Sed in robusto & alacri corpore æquilibrium justum est inter fluida bona & solida elastica, inter corporis vires & animæ pathemata; ut ejus tumultuosis jactationibus multum resistere queant solidorum vires: at in hystericis corporibus, quorum vires olim disperduntur, solida relaxata sævioribus animæ motibus oppugnare non possunt; sæviet er-

go morbus, seu potiùs paroxysmus, dum spiritus animales fluere valent. Plura jam de mentis potentia in corpus dicere haud opus erit.

Ex prædictis igitur patet, causas hujus mali proëgoumenas esse cachexiam, seu humorum pravitatem, in pituitam & humores aquosos vergentem: causas autem procatarcticas esse, abusum in non-naturalibus, præcipuè vitam desidiosam, prænimiam coffeæ theæque ingurgitationem, & inordinatas animæ inquietudines. Si aliquis à nobis quæreret, qualis sit morbi causa proxima, non hæsitans responderem, vapiditatem humorum, canaliculorum inanitionem, & solidorum minorum resolutionem. Forsan objicietur, plures foeminas rudiores animæ jactationes passas, hystericas factas fuisse absque morbo præcedente; quare causas suprà memoratas fuitiles omnes esse. At notandum est, quòd mulieres hæ labe hæc malevolâ affectæ, antea quàm graviores animæ motus patiebantur, debiliore & teneriore corporis habitu, ad morbum inclinante, gaudebant; jamque subito terrore percussæ, vel moestum quoddam menti objectum revolventes, nimiùmque luctui indulgentes, dissipatis exinde spiritibus, & animalibus & vitalibus, alimentum bonum atque nutritivum ferè omne respuunt. Hinc ventriculus debilitatus, & cætera phænomena continuâ serie consequuntur: mentis ideo effectus in corpus meritò haberi possunt causæ procatarcticæ, sed immeritò causæ ejus proximæ.

Ad ultimum thesicos scopum perventum est, ut nempe de methodo medendi agamus. *1mo*, Indicat causâ proximâ, humorum pravorum in blandas naturales dotes mutationem. *2do*, Canaliculos de novo impleri. *3tio*, Robore redintegranda solida. Quoniam igitur frequens saburra, ventriculi & intestinorum hospes, tunicas oblinendo, nutrimentum & refectionem, præterea vasa lactifera obturando, ingressum absorptionemve chyli impediat; exhibenda sunt vomitoria & cathartica stomachica; post operationem, placidam quietem, noctesque soporas secum ferens, opium ægræ capiant. Ad corroborandum ventriculum sit cura Medici: hoc opus, hic labor! Si ea votis

tis Medici respondeat, sanitatem ex omni parte beatam sperare possumus. Si morbus pertinax malè cedat, medicus prædicat ejus durationi supervenire phthisin: verùm ne obsidenti malo cedat salutiferum deorum inventum, tentet imprimis artis cultor solamen debili ventriculo ex sequentibus conferre, viz. Aromaticis gratis, cinnamom. nuce moschatâ, zinzib. caryophyl. cortice aurantior. & granator. feminibus anisi, coriandri, & id genus pluribus. Sed quæ palmam facilè cæteris præripiunt, dotibus efficacissimis prædita, sunt vinum Maderensè, rubrum, opium, & cortex Peruvianus. An valebunt medicamenta per se tentata, absque organorum motibus, morbum penitus radicitus extirpare? Credat Judæus Apella; è contrario unicum memorandum exemplum, quòd fœminæ imbecilles, à musculorum motu, absque viribus medicamentorum, à labe hâc teterrimâ immunes convaluerint, nobis absque lucerna monstrat viam, quam ingrediendum sit, ad sanitatem restaurandam. Quantum emolumentum hominum corporibus à ludis gymnasticis accreverit, docent antiquorum libri. Quæ mala, robustæ Laconia? quæ infantis Romæ? quæ Helvetiæ? quæ ipsius antiquæ Britannia, filias? dum populus frugi castusque fuit, tam crudeliter divexabant. Verùm cum divitiis & epulis nascuntur fœda monstra, quæ terreant gentes, ne de tramite bono flectant. Quid plura de exercitio corporis? De mentis exercitatione, sic verba fatur celeberrimus Baconus (a), “ Mens & consue-
“ tis delectatur & novis, mirum autem in modum facit ad
“ conservandum vigorem spirituum, ut nec consuetis utamur ad
“ fatietatem, nec novis ante appetitum vividum & strenuum.
“ Itaque & consuetudines abrumpendæ sunt judicio quodam
“ & curâ, antequam perveniant ad fastidium; & appetitus ad
“ nova ad tempus cohibendus, donec fiat fortior & alacrior.
“ Atque insuper vita, quoad fieri potest, ita instituen-
“ da, ut multas & varias habeat redintegrationes, neque per-
“ petuò

(a) Bacon. de vit. & mort. p. 153.

“petuò in iisdem versando spiritus torpeant.” Non ab re alienum erit hìc loci pauca, quæ experientia docuit, nervis blanda, & quæ ad fluorem humoribus æqualem redintegrandum aptè designata sunt, dicere; qualia, gummi foetida, castoreum, succinum, rad. Valer. & plura alia *nervina* dicta. Si morbus improbus in paralyfin partium quarumcunque degeneret, vesicatoria acria, sinapismi & similia stimulantia internè & topicè, nonnunquam vellicatio cum urticis juvant. Quid ad diætam spectet, paucis dicemus. Victus omnis debet esse succi boni, nutrimenti plenus, uti sunt, lac foemininum, caprinum, asininum, ova, jura carnum, cinaræ, carnes bonæ facilisque digestionis, uti perdices, pulli gallinacei, aves phasianæ, aliæque ejusmodi è volucrum genere: verum semper in memoria tenendum Hippocratis effatum (a), “Quæ longo tempore extenuantur corpora, lentè reficere oportere.

(a) Aphorif. 7. Sect. 2.

F I N I S.

